

Broj: 22-06-14-1476-1 /18  
Sarajevo, 25.06.2018. godine

Na osnovu člana 69. stav (2) tačka d) i člana 70. stav (4) Zakona o javnim nabavkama („Službeni glasnik Bosne i Hercegovine“, broj 39/14 - u daljem tekstu: ZJN), a postupajući po Rješenju Ureda za razmatranje žalbi Bosne i Hercegovine, Filijala/Podružnica Mostar, broj: JN2-03-07-1-720-5/18 od 06.06.2018. godine, u postupku javne nabavke: „Nabavka auto-cisterne za vodu“, direktor Kantonalne uprave civilne zaštite Kantona Sarajevo, *d o n o s i*

## **ODLUKU** **o poništenju postupka javne nabavke**

### **Član 1**

Poništava se postupak javne nabavke: „Nabavka auto-cisterne za vodu“, kao i Odluka o izboru najpovoljnijeg ponuđača, broj: 22-44-824-6/16 od 01.08.2016. godine, iz razloga što nijedna od primljenih ponuda nije prihvatljiva, shodno članu 69. stav (2) tačka d) ZJN.

### **Član 2.**

Za realizaciju ove Odluke zadužuje se i ovlašćuje Komisija za nabavku roba: „Nabavka auto-cisterne za vodu“.

### **Član 3.**

Ova Odluka će se u skladu sa članom 70. stav (6) ZJN objaviti na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)) i to istovremeno s upućivanjem ponuđačima koji su učestvovali u postupku javne nabavke.

### **Član 4.**

Ova Odluka stupa na snagu danom donošenja i dostaviti će se u skladu sa članom 71. stav (2) ZJN svim ponuđačima koji su učestvovali u postupku javne nabavke

## **O b r a z l o ž e n j e**

Postupajući po Rješenju Ureda za razmatranje žalbi BiH, Filijala/Podružnica Mostar, broj: JN2-03-07-1-720-5/18 od 06.06.2018. godine, Komisija za nabavku je u predmetnom postupku javne nabavke dana 21.06.2018. godine pristupila ponovnom pregledu svih ponuda, a razmatrajući navode iz žalbe ponuđača „SV Company“ d.o.o./ „Mipex-Auto Rs“ d.o.o., te je ustanovila slijedeće:

- Ponuda ponuđača „Hidraulika Kurelja“ d.o.o. ne ispunjava uslove iz tenderske dokumentacije (u daljem tekstu: TD), jer u Aneksu 3. ponuđač nije ispravno upisao ukupan obračun uvoznih dažbina, odnosno nije ispravno popunio Obrazac za cijenu ponude, te Aneks 7. – Izjava o ispunjenosti uslova iz člana 52. ZJN nije ovjerena od strane nadležnog organa, što je u suprotnosti za zahtjevima iz TD i ZJN;



- Zajednička ponuda ponuđača „LIV-S“ d.o.o./„Resor“ d.o.o. ne ispunjava uslove iz TD jer potvrde o uspješnim isporukama ne sadrže navod o uspješno izvršenim ugovorima, što nije u skladu sa zahtjevima iz TD, te ponuđač „LIV-S“ d.o.o./„Resor“ d.o.o. nije u zakonskom roku dostavio sve tražene dokumente (nisu dostavili izvod ili potvrdu iz evidencije u kojim se vode činjenice da nije pod stečajem ili nije predmet stečajnog postupka od 2005. do datuma predaje);
- Zajednička ponuda ponuđača „SV Company“ d.o.o./„Mipex-Auto Rs“ d.o.o., ne ispunjava uslove iz TD, obzirom da ponuđač nije dokazao traženo uspješno iskustvo u realizovanju najmanje 3 (tri) ugovora za isporuku predmeta nabavke u posljednje 3 (tri) godine, a što je ustanovljeno i u Rješenju Ureda za razmatranje žalbi BiH, Filijala/Podružnica Mostar, broj: JN2-03-07-1-720-5/18 od 06.06.2018. godine;
- Ponuđač „Wintec“ d.o.o. i „Vatrosprem“ d.o.o. je već ranije (u Zapisniku o pregledu i ocjeni ponuda, broj: 22-44-824-3/16 od 28.07.2016. godine) diskvalifikovan iz daljeg postupka predmetne nabavke zbog neispunjavanja uslova iz TD (nepotpun Aneks 3 . – Obrazac za cijenu ponude);
- Ponuđač „Auto Truck Trade“ d.o.o. je već ranije (u Zapisniku o pregledu i ocjeni ponuda, broj: 22-44-824-3/16 od 28.07.2016. godine) diskvalifikovan iz daljeg postupka predmetne nabavke zbog neispunjavanja uslova iz TD (ponuda ne posjeduje adekvatne potvrde o uspješnoj isporuci predmeta nabavke ni certifikat ISO 9001).

Postupajući po Rješenju Ureda za razmatranje žalbi BiH, Filijala/Podružnica Mostar, broj: JN2-03-07-1-720-5/18 od 06.06.2018. godine, a u kontekstu razmatrane žalbe ponuđača SV Company“ d.o.o./„Mipex-Auto Rs“ d.o.o., napominjemo da član 2. stav (1) tačka 1) ZJN propisuje da je ponuda dokument koji podnosi ponuđač, pri čemu nudi isporuku robe/pružanje usluge/izvođenje radova, pod uslovima koje određuje ugovorni organ u tenderskoj dokumentaciji i ponuda može biti prihvatljiva – ako ispunjava sve uslove koji su traženi TD i neprihvatljiva – ako ne ispunjava uslove koji se traže TD.


Na osnovu gore navedenog, ugovorni organ je utvrdio da nijedna od primljenih ponuda nije prihvatljiva, odnosno ne ispunjava sve uslove tražene TD, te je shodno članu 69. stav (2) tačka d) ZJN, odlučeno kao u dispozitivu Odluke.

#### **Pouka o pravnom lijeku:**

Protiv ove Odluke može se izjaviti žalba najkasnije u roku od 10 dana od dana prijema ove Odluke.

#### **Dostavljeno:**

- Svim ponuđačima,
- [www.kucz.ks.gov.ba](http://www.kucz.ks.gov.ba),
- a/a



E-mail: [kucz@kucz.ks.gov.ba](mailto:kucz@kucz.ks.gov.ba); [www.ks.gov.ba](http://www.ks.gov.ba)

tel: + 387 33 201 595; + 387 33 443 720; fax: +387 33 560 453

71000 Sarajevo, Hamida Dizdara 1